



1. Հիսուսն Աստված էր երկնքում,
Փառաց Թագավոր տիեզերքում,
Մարդացավ, մարդուց խաչվեց,
Ինձ և քեզ համար անարգվեց:
Խաչվեց, որ մենք հագնենք սրբություն,
Իր արյունով էլ՝ բժշկություն,
Ներեց, որ մաքուր ապրենք,
Սիրեց, որ իրար սիրենք:

2. Սրբությունն այդ աստվածային,
Ու փրկությունն այդ երկնային
Հիսուսի շնորհքով շնորհվեց,
Սուրբ Հոգու գալով մեզ տրվեց:
Հավիտյան է Տիրոջ մեծ սերը,
Հավիտյան է ողորմությունը,
Ներեց, որ մաքուր ապրենք,
Սիրեց, որ իրար սիրենք: